



Mohd Fauzi (kiri) diiringi Pendaftar UPM, Datuk Wan Azman Wan Nor menyerahkan replika cek kepada Muhd Yusuf pada majlis pelancaran Pertanian Bandar di Serdang, semalam.

[FOTO FARIZUL HAFIZ AWANG/BH]



Hasimah (dua dari kanan) menyampaikan replika cek kepada Nas Norziela (dua dari kiri) di SMKSS17, Subang Jaya, semalam.

[FOTO MOHD AZREN JAMALUDIN/BH]

Tabung wira terus terima sumbangan

Serdang: Universiti Putra Malaysia (UPM) menyumbangkan RM12,863 kepada Tabung Wira Lahad Datu anjuran Media Prima Berhad (TWLDMP) sebagai menghargai jasa perwira negara.

Sumbangan itu disampaikan Naib Canselor UPM, Prof Datuk Dr Mohd Fauzi Ramlan kepada Pengarang Pendidikan BH, Muhd Yusuf Abu Bakar sebagai wakil Media Prima.

Mohd Fauzi berkata, kutipan hasil sumbangan pelajar dan warga UPM itu diharap dapat me-

ringankan beban keluarga dan balu wira negara yang terkorban dalam tragedi di Lahad Datu.

Beri khidmat kaunseling

“Hal Ehwal Pelajar (HEP) UPM memberikan khidmat kaunseling kepada pelajar yang berasal dari Lahad Datu dan Sandakan bagi meredakan tekanan dan kebimbangan mereka mengenai keluarga di sana,” katanya selepas pelancaran Pertanian Bandar, di sini, semalam.

Turut hadir, Timbalan Naib

Canselor (TNC) Akademik dan Antarabangsa UPM, Prof Datin Paduka Dr Aini Ideris; TNC Penyelidikan dan Inovasi UPM, Prof Datuk Ir Dr Mohd Saleh Jaafar dan TNC Hal Ehwal Pelajar & Alumni UPM, Prof Dr Mohamad Shatar Sabran.

Sementara itu, di Subang Jaya, warga Sekolah Menengah Kebangsaan SS17 (SMKSS17) berjaya mengumpul wang RM1,001.11 untuk TWLDMP.

Pengetuannya, Hasimah Hussin berkata, kutipan dana itu dija-

lankan selama seminggu atas inisiatif sekolah memabitkan 800 pelajar dan warga kerja SMKSS17.

“Tragedi yang berlaku memabitkan perwira negara kita satu sejarah yang menyentuh perasaan. Selain doa mengiringi perwira negara dan mereka yang terkorban, sumbangan wang daripada warga SMKSS17 diharap dapat meringankan beban mereka yang memerlukan.

“Selain itu, kita memupuk semangat patriotik dalam kalangan

warga sekolah ini terutama generasi muda melalui kutipan derma, membaca surah Yasin setiap Jumaat bagi mereka yang beragama Islam dan pemasangan lagu patriotik mengikut masa yang sesuai,” katanya.

